



MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais a Mina Mader madertrans@bluewin.ch
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Zanetti, furnaria Clalüna, Grotta da Cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel mas-chalch vegnan ramassats da Mina Mader. Scha pussibel giavüschaina texts in fuorma digitala.

ARRANDSCHAMAINTS

Societats chi vöglan publichar arrandschamaints han seguaintas pussibilitats:

- a) Mas-chalch da Sent : tenor infuormaziuns sülla prüma pagina
- b) Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- c) Chalender d'arrandschamaints da la destinaziun turistica:

www.engadin.com => "Allegra das Veranstaltungsmagazin" => Veranstaltungen erfassen opür

<https://www.engadin.com/de/planen-buchen/allegra-veranstaltungsmagazin>

Quellas occurrenzas vegnan publichadas eir ill'Allegra, schi sun annunzchadas avant il termin da la fin da redacziun da l'Allegra.

AVIS - Adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publichar lur occurrenzas ed infuormaziuns illas chaistas nairas pon manar avis in fuormat A4 pro Mina Mader adüna il marcurdi. Ils avis vegnan plazzats adüna la gövgia illas chaistas nairas.

Vacanzas pratcha da meidi – Arztpraxisferien

La pratcha resta serrada da gövgia, ils 05 oktober 2023 fin dumengia ils 22 oktober 2023.

Il nomer d'urgenza dals meidis da chasa Engiadina Bassa (**081 864 12 12**) collia cul meidi da chasa chi ha servezzan.

Die Arztpraxis bleibt von Donnerstag, den 5. Oktober bis am Sonntag den 22. Oktober 2023 geschlossen. Über die Notfallnummer der Hausärzte des Unterengadins (**081 864 12 12**) erreichen Sie den diensthabenden Hausarzt.

Dr. med. Iris Zürcher

SOCIETÀ D'ÜTIL PUBLIC – concerts illa baselgia da Sent - <https://sent-concerts.ch/konzerte>

Ingüna reservaziun da plazzas - la chascha es averta ün'ura avant il concert.

Dumengia, als 1. oktober, a las 17.00 CHF 25.-

LA RESÜSTANZA DA GEORG FRIEDRICH HÄNDEL

Andrea Zogg, actur, Marco Schädler, musicist

Ün musicist, ün actur, alch requisits ed instrumaints. Il «Messias» da Händel, üna da las plü cuntschaintas ouvras da la musica inscuntra la novella da Stefan Zweig „Georg Friedrich Händels Auferstehung“. Ün mumaint magic!

Dumengia, als 8 october 2023 a las 17.00, CHF 25.-

STILL STORM

Matthias Loibner – lira/electronics, Lucas Niggli – drums/percussiu

Cumposiziuns aignas ed improvisaziuns. Ils musicists intunan clings cordials e curaschus dal mumaint – tuns chi van a cour ed inspireschan our dad ün vast repertuar da classica, electronica, tradiziun ed imaginaziun.

Dumengia, als 15 october 2023, a las 17.00, CHF 25.-

MOMENTO MORI

Barockensemble Klingzeug : Duos violinas, viola, cello, orgel, « Theorbe »

L'ensemble Klingzeug prouva da resentir la realisaziun dal möd da dir : »ponderescha cha tü stoust murir ». 500 ons musica immortala!

Sonda, als 21 october 2023 a las 17.00, CHF25.-

« THE LARK ASCENDING » - DIE AUFSTEIGENDE LERCHE

Natüra e cuntrada illa musica inglaisa

Helma Leenhouts – violin, Jan Hoijting – clavazin

Goethe ha insprà la pittura da William Turner cun sia teoria da las culuors – e Turner ha inspirà a differents cumponists in Ingilterra. Quia dudina « pineladas » musicalas da G .F.Händel. E. Elgar, F. Bridge e R. Vaughn Williams.

Dumengia. als 4 november 2023 a las 17.00 collecta

LA MISSA ROTNA REVIVA

Missa Rotna (Bent Peder Holbech) ed otras chanzuns

Cor ad hoc "Missa Rotna"

Sara Bigna janett – sopran, Domenic Janett – sax, Curdin Janett clavazin, Klaus Telfser – e-bass, Maurizio Trové – percussiu, Jachen Janett – dirigent

Nus anteriuras chantaduras ed anteriurs chantadurs dal cor da la scoula media a Samedan lain laschar clingir amo üna jada quella grondiusa messa da roc suot la direcziun da Jachen, nus lain laschar reviver il bel temp da scoula e lain onurar al dirigent per seis instancabel ingaschamaint pel chant e per la musica a favur da nus tuots.

PER NOSSAS SENIORAS / PER NOSS SENIORS

Venderdi, 6 october

Giantar da cumpagnia, 12:00 h, i'l restorant La Motta vi Motta Naluns.

Partenza davent da Plaz a las 11.10 h, infuormaziun ed annunzcha fin 4 dis avant pro Chatrina Ritzmann, 081 864 93 59.

GROTTA DA CULTURA – infuormaziuns detagliadas i'l Allegra e suot <http://www.grottadacultura.ch>

Galleria e bar-café / Galerie und Bar-Café

mardi e sonda / Dienstag und Samstag

17:00 -19:00

Nus ans allegrain da Lur visita!

Exposiziun: Sabine Huber

Aua e crappa.

Pitturas da tusch. Monotipias. Squitschs.

Entrada libra

Illa exposiziun a Sent vegnan muossadas lavurs da Sabine Huber dals ultims trais ons cul tema «aua e crap».

A las rivas da las vals Uina, Clemgia ed in oters lös sun naschüdas d'ürant tuot ils ons indombrablas pitturas da tusch sün palperi, squitschs da plantas, serias da monotipias, fotografias e videos, chi vegnan per part elavuradas inavant in seis atelier.

Nada a Basel, viva Sabine Huber daspö il 2009 in seis atelier i'l Jura svizzer e's lascha inspirar daspö il 1998 minch'on d'ürant la stà da la cuntrada muntagnarda spectaculara da Sent e contuorns.
www.sabinehuber.ch

Vernissascha

"ZEIT DER STILLE" tagls da forsch e sculpturas da Werner Kleiber

Sonda, 07-10-2023 17.00 - 19.00

Grotta da cultura Schigliana, entrada libra, apéro

Werner Kleiber viva e lavura ad Ebikon e daspö plüs ons eir per part ad Ardez.

Las lavurs in quista exposiziun muossan üna pitschna survista da sia actività artistica e sun independentas da lös exteriurs, ma ellas s'han pel solit fuormadas d'ürant la tschercha da pusiziuns internas.

Il müdamaint da las chosas, la naschentscha e'l trapassar illa natüra ed illa vita sun sias funtanas d'inspiraziun. Las ouvras s'vessa as fuorman adüna i'l process da l'experienza actuala e la confruntaziun culmaterial.

Quist möd da lavurar as müda per el mincha jada in ün temp da quietezza e survain ün caracter meditativ.

Trio Calabrun inscuntra a Flurina Badel

Musica dal muond inscuntra a lirica rumantscha

Venderdi, 27-10-2023 20.15 Grotta da cultura, Piertan 25.00 / 20.00

Ils musicists Felix Rüedi e Mario Giovanoli da Cuaira e Simon Steiner da Lavin, as occupan in lur trio cul cling metallic-sferic dal "handpan". In cumbinaziun cun flötas, e-bass, percussiun e chant suna Calabrun in differents stils, minchatant ritmic, groovic, o eir svolond, adüna cun lö per improvisaziun.

La lingua rumantscha ha ün'estetica tuot speciala sun seis cling, la melodia e'l ritem. L'autura ed artista da Guarda, Flurina Badel, sa trar a nüz il potenzial da la lingua. Cun seis cudesch da poesias tinnitus tropic s'avicinescha ella in möd particular e tilla lascha straglüschr da nouv.

<https://felixrueedi.ch/calabrun/> www.flurinabadel.ch

Davopro bus da cultura gratuit vers Scuol, Ftan, Ardez, Tarasp.

CORPORAZIUN EVANGELICA SENT

Cults divins

DUMENGIA, 1. OCTOBER

Cult divin

10.00, rumantsch, pred. laica Seraina Guler

DUMENGIA, 15 OCTOBER

Cult divin per la festa da da racolta

10.00, rumantsch, rav. Magnus Schleich
cun Soncha Tschaina e battaisem da Livio Lemm

DUMENGIA, 29 OCTOBER

Cult divin

10.00, rumantsch, rav. Jon Janett

19.00, **Eucharistiefeier**, deutsch, Pfarrer Christoph Willa

Comunicaziun

Nossa ravarenda Maria Schneebeli banduna la pravenda da Sent la fin da settember. A Maria dschaina grazcha fich per tuot la lavur prestada, pels cults divins, per la chüra d'orma, pels buns inscuters. No tilla giavüschain tuot il bun ed ans allegrain ch'ella vain a far cult divin in november e december. Ella güda eir culs confirmands e cullas confirmandas uschè cha no nu tilla perdain our d'ögl.

Il cussagl da baselgia

Adressa:

Corporaziun evangelica Sent

Barbla Buchli Avant Baselia 75, 7554 Sent, telefon 081 864 02 78, barbla.buchli@bluewin.ch